


元詩選

四
五

內閣文庫			
二六	一	漢	
函	二		
一	九	書	
架	六	類	
	號		



內閣文庫			
番號	漢	11296	
冊數	4 (3)		
函號	358	90	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







元詩選卷四目錄

余 闕八首

王 翰三首

鄭 玉二首

李 初五首

陳 高十三首

黃鎮成六首

胡天游九首

鄭元祐一首

周伯琦二首

淺草文庫



陳基十一首

張憲十一首

陳晉一首

郭麟孫一首

房皞一首

曹之謙二首

盧摯二首

滕斌一首

馮子振一首

周馳一首

聶古柏一首

張起巖一首

曹元用一首

繆鑑一首

汪珍五首

柯九思三首

李序一首

李裕一首

王都中一首

王艮一首

李源道一首

陳德永一首

陳天錫一首

彭炳一首

汪澤民一首

張天錫二首

卞思義二首

昂吉一首

陳意一首

方行三首

高明二首

陳方一首

潘純五首

鄭東二首

李元珪二首

衛仁近一首

文質一首

周砥四首

王鑑一首

何景福一首

陸居仁一首

羅蒙正四首

周 棐二首

許 恕五首

呂 誠一首

元詩選卷四

無錫顧奎光星五選輯

陶 瀚昆謀
陶玉禾昆穀
叅評

俞 闕八首

白馬誰家子

白馬誰家子。絲轡縵胡纓。腰間雙寶劍。璀璨雪花
明。甫出金華省。還過五鳳城。君王賜顏色。七寶奉
威聲。夜入瓊樓飲。金尊滿繡楹。燕姬陳屢舞。楚女

廷心詩俊逸
平揖鮑謝氣
體最高

奏鳴箏。慷慨顧賓從。英風四座生。一朝富貴盡。不
如秋草榮。黔婁固貧賤。千載有餘名。

送劉伯溫之江西廉使得雲字

祖帳依山館。車蓋何續紛。使君驅駟馬。衣上繡成
文。中坐陳綺席。羽觴流薄薰。情多酒行急。意促歌
吹殷。况我同鄉友。同館復離羣。明暘麗神臯。遙望
澄遠氛。迴鑣望雙闕。五色若卿雲。蒼茫歲年阻。東
西岐路分。道長會日遠。何以奉殷勤。惟有凌霜柏。
天寒可贈君。

秋興亭

涉江登危榭。引望二川流。雙城共臨水。兩岸起飛
樓。漢渚深初綠。江臯迥易秋。金風揚素浪。丹霞麗
綵舟。登高及佳日。能賦命良儔。御者奉旨酒。庖人
供膳羞。一為山水壑。能令車騎留。為語同懷者。有
暇即來遊。

呂公亭

鄂渚江漢會。茲亭宅其幽。我來窺石鏡。兼得眺芳
洲。遠岫雲中沒。春江雨外流。何如乘白鶴。吹笛過
南樓。

律句却帶古
體風格甚老

菊亭

奉節過東鄙。總轡臨越墟。覽此崇山阿。亭樹猶晉
餘。陽林積珍木。楔館䟽鏤渠。微風旋輕瀨。宛委寫
成書。秋杪霜露茲。清商滿縣隅。紅蓮凋綺蘂。微瀾
見躍魚。藉芳泛羽觴。眡聽良有娛。逍遙大化內。豈
必三月初。

安慶郡庠後亭燕董僉事

鯨鯢起襄漢。郡邑盡燒殘。茲城獨完好。使者一開
顏。省風降文囿。弭節遵曲干。雙池夾行徑。累榭在
雲間。天淨羣峰出。地迥蒼江環。霞生射蛟臺。雁沒
逢龍山。開樽華堂上。命酌頰危闌。主人送瑤爵。但

云嘉會難。豈為杯酒歡樂此。罷民安。魄淵無恒彩。
清川有急瀾。明晨起驂服。相望阻重關。

送李伯實下第還江西

之子不得意。南行無怨辭。官河人杳杳。客路雨絲
絲。古木淮陰市。春城孺子祠。悽然千里意。為賦小
星詩。

雨中過長沙湖

細雨灑秋色。平湖生白波。客心貪路急。帆腹受風
多。落木生秋思。驚禽避棹歌。舟行不借酒。兀坐奈
愁何。

起筆鍊而逸
但首句與第
七句兩意字
複

三四一清一
景筆法變化

王翰 三首

挽柏僉院

柏君挺挺英雄姿。出佐薇省丁時危。愁聞兩浙已
瓦解。江南民命猶懸絲。樓船一旦下江水。殺氣兵
氛壓城壘。大臣夙駕思棄城。戰士銷魂將心死。臣
雖力困肝膽存。臣當殺身思報恩。誓將一木支頽
厦。肯豎降旗登轅門。人生恩愛豈不顧。詎忍貪生
負天子。半空煙漲樓宇紅。盡室竟飛劍光紫。嗚呼
氣分光岳臣道衰。賣降授節紛陸離。巍巍廊廟已
如此。扶持世教非公誰。扶持世教非公誰。

壯懷

遊雁湖

雁去湖空野水深。秋風吹客上遥岑。丹楓盡逐孤
臣淚。黃菊空憐處士心。雨後諸峰浮夕靄。霜前一
葉送寒陰。停車欲問當年事。尺素何由到上林。

即景寓情自
覺悽惋

和馬子英見寄韵

十年流落向炎州。判與劉伶作醉遊。望國孤忠徒
自憤。持身直道更何求。浮雲往事驚春夢。落日窮
途起莫愁。賴有故人相憶在。徧題尺牘海西頭。

鄭玉 二首

師山書樓成唐長孺先生賦詩見寄吹韻

流逸

居山日夕見山容。環堵蕭然一畝宮。我喜煙雲來
几上人。看樓閣出空中。夜深月色偏明朗。曉起嵐
光更鬱蔥。若比羊裘軒上景。臨江惟欠一絲風。

次韻述懷

家住江南黃葉邨。繩樞瓮牖席為門。自罹盜賊人
傳死。重見交遊我幸存。焦土更無遺簡策。供厨惟
有舊匏尊。黃巾迎拜何為者。自愧疎慵不足論。

李 祁 五首

斗室為江士瞻賦

移舟向溪渚。結屋依山阿。從容漁釣閑。樂意何其

音此二語通
高闊大

多天光。入戶牖。萬象皆森羅。援琴奏逸響。清飈振
林柯。亦有素心人。酒熟時相過。誰云一室陋。褊迫
無透迤。所嗟今世士。締構高嵯峨。画棟隔飛鳥。朱
甍映清波。一朝壽命盡。歎息將奈何。日月互顯晦。
乾坤相盪摩。願言處茲室。樂哉聊永歌。

次王子讓韻

老淚縱橫憶舊京。夢中岐路欠分明。天涯自信甘
流落。海內誰堪托死生。短策未容還故里。片帆只
欲駕滄瀛。他年便作芙蓉主。慚愧當時石曼卿。
城郭人民事事非。空餘塵土滿征衣。君猶有道堪

哀怨之音

七字沉痛

元詩選卷四
流俗我已無家不念歸。天地晦冥龍去遠。江湖寥落雁來稀。極知此後還相憶。愁見青山映夕暉。

次賀琴南韻

茅屋秋風古道傍。衰容不似去年強。漢廷無夢陳三策。楚水空懷賦九章。落日亂鴉紅樹老。斷雲孤雁碧天長。相思無限關心事。不為催詩急雨忙。

山居首夏十首示外孫陳祖蘭 錄一

前年新覓數枝梅。移向庭前手自栽。惆悵近來風土薄。殷勤難得一枝開。

陳高 十三首

無端寄托別
有感慨

感興七首 錄四

議論卑瑩而
氣調高渾不
似史斷後三
首諷切尤有
餘味
十一尤古韻
無通者但有
叶韻陸機詩
恢恢天網飛
沉是收爰茲
下臣騰光清
霄王逸九思
被詠諧兮虛
獲尤心煩憤
分意無聊殿
載駕兮出戲
游乃此詩兼
用齊字師字

唐虞邈以遠。禹湯亦悠悠。周轍一東狩。王綱遂漂流。春秋更五霸。日日尋戈矛。陵夷逮七國。斯民益無聊。戰血滿溝塹。殺星入雲霄。商君佐嬴秦。變法開田疇。積強至六世。虎視吞諸侯。宰割天下地。郡縣羅九州。焚書任法律。儒士咸虔劉。漢皇起豐沛。三尺誅民仇。開基四百年。烈烈壯鴻猷。惜哉英明主。不學遺遠謀。一時儻狗徒。贊業非伊周。遂使皇王政。廢墮不復修。此機一以失。餘恨空千秋。青山或可移。白石尚可轉。志士懷苦心。九死不願

元詩選

卷四

五

所祖也

返首陽餓仁賢。至今激貪悞。汨羅沈楚纍。千載悲忠蹇。人生誰不死。身沒名貴顯。胡為草玄人。羨新思苟免。

不甚着議論而抑揚吞吐令人自得其息之所在凡咏史感興詩蘊藉含蓄有言外意者上沉着痛快一發無餘縱極淋漓却落次乘

客從北方來。少年美容顏。繡衣白玉帶。駿馬黃金鞍。捧鞭揖豪右。意氣輕邱山。自云金張胄。祖父皆朱藩。不用識文字。二十為高官。市人共咨嗟。夾道紛駢觀。如何窮巷士。埋首書卷間。年年去射策。臨老猶儒冠。步出城門道。忽見羣馳車。車中何所有。文具光陸離。羨娃載後乘。銷金燦裳衣。問之何如人。云是官

滿歸聞者交歎息。清名復奚為。

留別諸友分韻得日字

寒。色。滿。大。江。北。風。吹。落。日。停。舟。別。諸。彥。中。懷。抱。湮。鬱。夤。緣。結。金。蘭。深。固。比。膠。漆。佳。會。不。可。常。歲。晏。政。寥。慄。居。者。成。淹。留。行。者。念。家。室。分。携。在。俄。頃。東。西。永。相。失。俯。視。流。波。去。仰。看。飛。鳥。疾。人。生。如。浮。萍。乾。坤。渺。蕭。瑟。

促織鳴

促織鳴。鳴唧唧。懶婦不驚客。心悽惻。秋夜月。明露如雨。西風吹。涼透。締。杼。懶婦無裳終。懶織。遠客衣。

欲端雄警通自得

單恨砧杵促織促織。無復悲鳴。客心良苦。懶婦不驚。

夜半舟發丹陽

舟子貪風順。開帆半夜行。天寒四野靜。水白大星明。長鋏歸何日。浮萍笑此生。柁樓眠不穩。起坐待雞鳴。

贈章以元昆仲

相見談經史。江樓坐夜闌。風聲吹屋響。燈影照人寒。俗薄交游盡。時危出處難。衰年逢二妙。亦得悶懷寬。

沉着

落日

秋郊慘淡。落日微。西風蕭蕭。吹客衣。殘霞紅葉。自相映。獨鶴孤鴻。何處歸。中州塵暗。鼓鼙急。滄海浪高。舟楫稀。回首東山。月未上。怪看星影。弄輝輝。

羈思十首次謝純然韻 錄二

夜中見月。渾忘寐。曉起看山。祇獨吟。那得文章。垂不朽。已知衰老。故相侵。天寒大澤。龍蛇蟄。歲晚荒郊。雨雪深。有客可人。吾邑子。往來時得一開襟。淮西盜賊成羣起。攻奪城池。殺害多。保障誰能為。尹鐸折衝。未見有廉頗。南來羽檄。時時急。北向官

極擬少陵亦自壯。僥有氣

家蒼渾不落小

軍日日過賈誼治安空有策九重深遠欲何如
冬日夜夢中得句因續成之

今日冬至陽始回客中無賴廢持杯乾坤萬一風
塵滿南北何時道路開白髮頻添隨繡線壯心都
冷類葭灰中興早看雲臺築老去何妨臥草萊

題画

茅舍雪初消幽窗夜方靜美人期不來月照梅花
影

黃鎮成 六首

錢塘

寺鐸一聯寫
秋景入妙而
風字復見晴
夜宵曉等字
亦近重叠

雨過高風發屋聲吳中暑退即寒生晴光入眼園
林薄夜氣侵人枕簟輕寺鐸呼風宵自語隣機織
月曉猶鳴江湖處處悲秋客起東歸裝不待明

梅花

吟屋蕭疎霜後邨江頭千樹欲黃昏等閑又被春
風覺添得林梢月一痕

予作南田耕舍諸公賦者率擬之於老農噫
人各有志同牀而不察世之君子乃欲責
人之知己不亦難乎因作寫懷二首以自

解云

白日不停馭。頽波竟東馳。忽忽年歲改。念此將安歸。我欲驅車行。太行路嶮巖。我欲駕方舟。滄海無津涯。豈不顧行邁。出門慎所之。有田南山下。可以供盛筵。有廬在中田。可以譚詩書。上探羲皇際。下及商周時。賢聖尚淪落。微生何足疑。懷哉羨門子。千載以爲期。

種田南山下。土薄良苗稀。稊稗日以長。荼蓼塞中畦。路逢荷蓀人。相顧徒嗟咨。我欲艾其蕪。但念筋力微。終焉鮮嘉穀。何以奉年飢。誰令惡草根。亦蒙雨露滋。豈無力耕人。悠悠興我思。

桃花巖

小僉山中數塊石。上出浮雲幾千尺。寒泉飛下絕澗響。老樹倒挂蒼苔壁。巨靈擘斷知何年。中有古洞藏神仙。蓬萊宮闕浩杳靄。世外別有壺中天。巉巖磊塊相緣入。雲霧晦冥光景集。丹房石室淨無塵。虎攫龍拏半空濕。山人舊說桃花巖。山高水絕無由探。我來正值巖花發。長嘯獨倚春風酣。同遊雅士貪幽趣。自劄山雲燒筍具。兩山流水一川花。依稀似是桃源處。世上紛紛吹戰塵。山中道人都。不聞欲從君住不可得。一聲孤鶴唳空雲。

從軍行

秋風漠漠寒雲低。隴頭野雁隨雲飛。北方健兒長
南土。學得南語相嚶伊。羽書昨夜到行府。下令急
點如星馳。明日橫刀出門去。回頭不得顧妻兒。山
城止舍休十日。百姓餽給無飢疲。路上逢人寄書
歸。道好將息無相思。重關夜度月落早。五嶺冬戍
天寒遲。買羊擊豕且為樂。破賊歸去知何時。

胡天游 九首

雙頭蓮

一枝瑤柄倚風清。兩面紅妝鬪日明。張孔斷菟埋

為一聯的
力不移難其
和畫之至不
入纖巧

玉井。尹邢妖魄寄金莖。雙鸞俯鏡東西照。百子分
房向背榮。若使此花還解語。好將蘭裊與誰平。

禹中水樓秋夕

殘暑。崢嶸入夜平。羈懷牢落傍秋生。斷雲推月弔
孤影。高瀨挾風來。遠聲山店辟。纒松火細。水樓歌
枕葛衣清。餘年飽食慚踈放。回首南州欲用兵。

歸去樂

歸去樂。蜀道崔嵬天一角。青泥百折費躋攀。灩澦
翻空浪波惡。嗚呼朝避長蛇夕。猛虎干戈滿眼歸
何所。

刻意煅煉之
句

語不多而極
沉痛之致

觀蓮

清池瑩人心。俯見荷葉背。南塘非不嘉。無此青錢
 蓋。沈沈古鏡淨。濯濯明妝對。涼風似留人。幽賞心
 獨會。天公亦解事。一雨不破塊。小呼巫陽雲。浣此
 傾國態。高盤捧跳珠。錯落無小大。恍疑逢二妃。迎
 笑爭解佩。低昂巧簸弄。明月聚還碎。馮夷不相容。
 轉盼何所在。人生總虛幻。佇立增歎慨。聊將一餉
 間。了我看花債。濂翁不我待。誰復同此愛。長嘯歸
 去來。餘芳滿襟帶。

擬賦荆軻館

奪之子之高
 下在我縱橫
 莫當論古詩
 固不可無此
 筆力。赤刀
 應有或僥倖
 恨血竟自洒
 他裾皆弱筆
 也長古須使
 通體雄健無
 貼字湊句方
 見力量。詩
 寧率無弱然
 未有率而不
 弱弱而不率
 者精神才力
 不到便填塞
 趁韻成篇不
 免率且弱矣

咸陽宮中頭白烏。燕丹掩面聲呱呱。函關得免豈
 天意。禍福倚伏如樛蒲。含羞忍耻丈夫事。一朝之
 忿。非良圖。黃金未肯求。郭隗白刃顧。乃希專諸爾
 軻。見之真不恨。樊也投首尤無辜。悲歌易水豎毛
 髮。胸次似欲無西都。男兒臨事貴敏速。胡廼把袖
 終踟躕。鴻毛性命效一擲。造物不肯成臬盧。悲哉
 秦人信狼虎。事勢固與齊桓殊。赤刀應有或僥倖。
 矧可生致編其鬚。武陽乳裊不足俱。旁觀駭汗一
 計無。長虹萬丈空貫日。恨血竟自灑他裾。全燕席
 卷果誰過。古今罪狀何紛如。子雲弄筆不少借。嗟

示詩選 卷四 十一
子。要。亦。非。庸。夫。悲。風。蕭。蕭。寒。日。孤。空。山。廢。館。荒。平。
蕪。雄。姿。勁。氣。不。可。見。仰。天。推。岳。呼。鳴。鳴。

題幼安濯足圖

山。東。豪。傑。何。紛。紛。飄。然。乘。風。呼。不。聞。餘。生。亦。足。老。
遼。海。避。世。豈。必。如。秦。民。歸。來。問。舊。半。零。落。乾。坤。割。
據。潛。悲。辛。青。山。未。改。漢。家。色。馬。知。不。有。芒。碭。雲。摩。
挐。兩。足。共。世。走。將。來。濯。彼。滄。浪。濱。眼。中。馳。驅。何。足。
道。汗。脚。三。寸。曹。丕。塵。黃。金。瓦。礫。少。年。事。况。肯。斗。祿。
汗。吾。身。平。生。子。魚。今。乃。爾。尚。恨。此。耳。無。由。新。峩。峩。
卓。帽。千。年。真。安。得。喚。起。圖。中。人。我。當。再。拜。公。徹。洗。

分我半席長相親。

楊花吟

吳江春水拍天涯。江上風吹楊柳花。花飛滿空無
處所。隨風直渡西江水。渡水隨風太有情。縈花惹
草恣輕盈。狂如舞蝶穿花徑。細逐流鶯渡綺城。綺
城樓閣連天際。楊花飛入千門去。飛去飛來稍覺
多。紛紛如雪奈君何。珠簾繡箔深深見。舞榭妝樓
處處過。樓中美人春睡起。愁見楊花思蕩子。蕩子
飄零去不歸。楊花歲歲點春衣。夢魂不識天涯路。
願作楊花片片飛。

婉轉流利音
節近唐人

賊如梳官兵如櫛亂世一轍此詩足為明鑒結語更沉着而有不盡之意

聞李帥逐寇復州治

西南佳氣清如水。一騎星馳傳好語。隴西將軍天下奇。夜半殺賊收城池。我城周遭闖賊壘。將軍飛入儲胥裏。城中妖血渺長衢。帳底渠魁睡猶美。將軍掩襲信有功。人物自是南州雄。惜哉士卒多苦暴。弱肉強食鴟鴞同。君不見往昔經過清我野。老稚逢之無脫者。至今婦女墮戎行。閭里蕭條泣鰥寡。嗚呼賊退將軍留。老夫憂虞猶未休。

鄭祐一首

送友還鄉

墮地作兒女。有用及須早。當年懸弧意。焉得鄉曲老。青雲一蹉跎。鬢髮日已皓。常恐歸去遲。心焉怒如擣。我家東吳城。翠竹森若葆。力耕輸王稅。妻子亦溫飽。詩成每獨咏。觴至或共倒。富貴將焉如。歲晏聊自保。蕭蕭風前柳。貿貿霜下草。有官固當歸。無官歸亦好。

周伯琦二首

七月七日同宋顯夫學士暨經筵僚屬遊上

京西山紀事二首

聯岡疊阜衛神都。萬幕平沙八陣圖。朝市星垣周

伯溫近光廬從集工於應

制錄此以見
一斑

高亮不遜唐
人

起筆突兀離
奇

社稷宗藩盤石漢規摹。官隄互野豐青草。禁籞深
林暗碧榆。地闊天開到今日。九重垂拱制寰區。
盤盤絕頂撫崢嶸。目盡天涯一掌平。海氣騰空搖
鐵刹。山風卷霧淨金城。羈鷹秋健諸酋帳。苑馬宵
肥七校營。相顧依然情未已。攜壺明日約同傾。

陳基 十一首

新城行

舊城城舊。人民新。新城城新。無舊人。舊城城外兵
一解。新城城中齊覆瓦。萬瓦鱗鱗次第成。將軍令
嚴雞犬寧。將軍愛民如愛子。百賈皆集新城市。浙

米淮鹽兩相直。楚人之弓楚人得。何時四海無荆
棘。北賈販南南販北。

裁衣曲

殷勤織紈綺。寸寸成文理。裁作遠人衣。縫縫不敢
遲。裁衣不怕剪刀寒。寄遠惟憂行路難。臨裁更憶
身長短。只恐邊城衣帶緩。銀燈照壁忽垂花。萬一
衣成人到家。

結是真情不
爾換韵之峭

分省早集懷錢負外蔡都事湯管勾

閒歲涉戎旅。終年廢邱壑。一為塵網嬰。竟負烟霞
約。今晨適公署。時暑秋已薄。山翠落檐楹。湖光映

敬初參士信
幕頗不得志
此皆寫懷之
作

簾幙同袍二三侶。分徯異今昨。畏途屬賢勞。端居
念離索。蹉跎愧衰暮。僂俛參畫諾。臨事每參差。憂
時空蹇諤。覽此山水勝。寫我情慮惡。遲子早還歸。
開樽共斟酌。

分署望鳳凰山

秋氣日以下。微雲不成雨。青山天際來。與我爲賓
主。飛龍及舞鳳。突兀在庭戶。須臾霧靄收。草樹粲
堪數。寥子麋鹿姿。詎意嬰圭組。感縮非天真。驅馳
漫塵土。偶坐屬無誼。晴容湛空宇。欲去復踟躕。此
意誰當與。

十六日開船值北風大作復泊北門

風急江難渡。天寒雪更飄。濟川雖有楫。跨海恨無
橋。使節辭吳近。官軍去楚遙。北風仍繫纜。山雨夜
蕭蕭。

秋日雜興

一夕西風木葉飛。画梁落月淡餘暉。銀燈夜照還
家夢。金翦秋裁寄遠衣。霜信早隨新雁至。素書深
訝故人稀。無因爲謝東曹掾。鱸熟蓴香莫便歸。
明河如練月娟娟。坐對清光只自憐。夜久不知沾
白露。夢回猶記到鈞天。汝南遺老推黃憲。海內諸

流利

公憶鄭虔。萬里歸來無寸補。論交慚愧到忘年。

十一月晦與同幕諸公登南高峰因過湖上

小集

落日湖頭。艤画船。買魚沽酒。不論錢。共過天下。登臨地。却憶官家。全盛年。綠水映霞紅勝錦。遠山凝黛。澹如煙。相攜此夕。干戈際。一聽笙歌。一慨然。

次韻孟天暉郎中看

千古東南。詫海潮。摩挲強弩。未全消。氣乘日月。分盈縮。聲振山河。欲動搖。擊楫中流。歌慷慨。倚闌斜日。鬢飄蕭。錢塘官酒。秋仍綠。更與靈胥。酌一瓢。

進心晚景情
味最深

淮陰雜興

千里相逢。淮海濱。一枝誰寄。嶺梅春。老來易感。山陽笛。年少休輕。胯下人。失侶雁如秦。逐客畏寒。花似楚。遺民每過。百戰瘡。瘡地立馬。西風為損神。

陳湖秋汎

平湖秋色。曉蒼蒼。鼓枻聲傳。浦溆涼。鴻雁欲來。天拍水。蒹葭初老。露為霜。菊荒甫里人何在。鱸入松江。興轉長。不用臨流。重懷古。葦花菱葉滿滄浪。

張憲十一首

秦鹿行

老氣

名句如晚唐
八筆

王筍生樂府
極為鐵崖所
稱然其心思
專取尖新未
免輕薄茲錄
其沈警峭拔
者

望夷宮中養秦鹿。百二山河春草綠。穿花尚作呦
呦鳴。寧識外人須爾肉。李斯父子牽黃犬。上蔡東
門志何淺。血汗雲陽腰領紅。蛟兔縱肥能幾鬻。闔
高貌軟足心路。稱馬獻君君不悟。羣臣相視莫敢
非。只恐出言丞相怒。丞相怒。秦祚移。函谷不守秦
鹿。馳高材疾足爭逐之。項王叱咤起。烏騅日千里。
逐之不肯止。人疲馬困烏江死。沛公隱芒碭。
手劍三尺長。網羅一舉圍咸陽。扼其角。割其腸。食
肉寢皮傳後王。秦鹿死。走狗烹。後人不用悲韓彭。
帝王神器非力爭。炎炎大德多洪福。前有高皇后。

文叔回首平靈莽。卓生漢業亦同蕉。下鹿。

東門行

東都門外今古稀。東宮二傳同日歸。百官祖道設
供帳。敕賜黃金作酒貲。歸來日日會親友。盡賣賜
金買醇酒。白頭剛傳蕭望之也空勞勞。一杯鴛羽不就
獄。博得君王祠少牢。

聖母神王祠 則天

東風未燥昭陵土。感業尼稱天下母。唐室山河忽
變周。李氏兒郎更姓武。洛水泱泱出寶圖。黃金爛
爛鑄天樞。五王不入迎仙院。二豎能忘受命符。君

恰好對照

以姪祠姑忽
尋出一証來
若使武曌諱

書梁公母乃
語塞

人
落想真不猶

不見漢家元后號文母廟食從來姪祀姑

陳橋行

唐宮夜祝邈。佶烈憂民一念通。天闕帝星下射甲。
馬營紫霧紅光掩。明月殿前點檢作天子。方願大
口空誅死重光。相盪兩金烏。十幅黃旂上龍體。中
書相公掌穿爪。不死不忍秘鴻寶。畫瓠學士獨先
幾。禪授雄文袖中草。君不見五十三年血載塗。五
家八姓相吞屠。陳橋亂卒不擁馬。撫掌先生肯墜
驢。

金櫃書

約誓書金櫃藏。不見柴家兒女祚不長。弟兄子姪
相繼作書記。署名傳晉王。金櫃書藏禍府。肘腋奇
兇起。慈母深宮燭影夜無人。漏下嚴更天四鼓。寡
婦孤兒不敢啼。戳地有聲金柱斧。太平王子著龍
衣。定策元勛孰敢非。藝祖有靈君莫急。朱牌金字
火羊飛。

岳鄂王歌

君不見南薰門鐵鑪步。神矛丈八舞長蛇。雙練銀
光如雨注。又不見鐵浮屠拐子馬。斫鏗鋼刀飛白
霜。貫陣背嵬紛解瓦。義旗所指人不驚。王師到處

四語遂使太
宗入纂案不
得以斧聲燭
影作疑獄

壺漿迎兩河忠義望風附。襄鄧荆湖唾手寧。朱仙鎮上馬如虎。百戰經營心獨苦。賜環竟壞迴天功。卷旆歸來臥樞府。錢塘宮殿春風輕。嬌兒安宴醉未醒。徒令功臣三十六。舞女歌兒樂太平。虎頭將軍面如鐵。義膽忠肝向誰說。只將和議兩封書。往拭先皇目中血。將軍將軍通軍術。君命不受未爲失。大夫出疆事從權。鐵馬長驅功可必。功成解甲面赤墀。拜表謝罪死不遲。惜哉忠義重山岳。智不及此良可悲。烏乎肆讒言。加毒手。申王心。循王口。斬王湖上。乘驢走五國。城頭帝鬼啼。胡兒相酌平。

峭而逸

安酒

咸淳師相 賈似道

咸淳師相專軍國。堂吏館賓供羽翼。諸司百職聽使令。臺諫承顏言路塞。輪舟五日一入朝。湖山佳處多逍遙。諛言佞語頌功德。邊事軍聲聽寂寥。半閑堂連多寶閣。歌姬舞妓相懽樂。十年國勢盡傾摧。猶謂師臣堪付托。師臣師臣躬督兵。珠金沙頭鑼一聲十三萬人齊。解甲寡婦孤兒俱北行。君不見黯淡溪流東復東。木棉花開生悲風。師臣不忍馬革裹。廁上有人能拉胸。

嬉笑怒罵兼而有之

元詩選

卷四

一

冬夜聞雷有感

陽氣渙不收。黎花開九月。無何玄冬夜。火靈飛列
缺。疾雷故旬旬。大雨久不輟。頑雲聚復散。淫風赤
如血。蟲豸不入藏。龍蛇競出穴。寒威變融煥。四序
失故節。胡為數歲中。雷向盛冬發。委靡不執柄。遂
為羣陰竊。及其不可忍。奮迅始一決。乃於涸寒時。
礮礮未肯歇。龍戰久不解。險難紛糾結。既乖長養
意。愈使威權褻。天怒不終朝。王綱有時裂。何能堯
吾君。調理繼稷契。先事誅權奸。以次及羣孽。假爾
霹靂車。為吾左黃鉞。普天新號令。坐使萬國悅。煌

語有關係不
為苟作。此
詩規撫少陵
議論筆力亦
稱具體玉筒
他作不及也

煌世祖業中道復光烈

秋日古城葉希聖見訪

夫君滄江來。訪予清溪曲。清溪窈而深。佳氣散天
旭。塘蒲澤新雨。秋意冷可掬。鳥鳴萬山靜。猿下雙
樹綠。相看語清晤。餘響起空谷。坐久神宇閑。斜陽
在高木。

聽雪齋

萬籟入沈冥。坐深窗戶明。微於疎竹上。時作碎瓊
聲。撲紙春蟲亂。爬沙夜蟹行。袁安政無寐。敲枕漏
三更。

王氏小桃源

一簇林塘隱者棲。天然画出武陵溪。循牆流水灣
灣曲。匝屋桃花樹樹低。春雨閉門山犬吠。炊烟隔
竹午雞啼。幽深直待秦人避。但恐漁郎自路迷。

陳普一首

晉武帝

杳杳香車轉掖庭。夕陽亭上北風腥。紛紛羔羯趨
河洛。為見深宮竹葉青。

郭麟孫一首

游虎邱

殊有新思

少陵花濃春
寺靜固妙此
改濃為落覺
景意都別然
細味之畢竟
少陵句耐想

海峰何從來。平地湧高嶺。去城不七里。幼此幽絕
境。芳遊坐遲暮。無物惜餘景。樹暗雲巖深。花落春
寺靜。野草時有香。風絮淡無影。山行紛遊人。金翠
競馳騁。朝來有爽氣。此意獨誰領。我來極登覽。妙
靈應自省。遙看青數尖。俯視綠萬頃。逃禪問點石。
試茗汲憨井。意行忘步滑。野坐怯衣冷。聊為無事
飲。頗覺清晝永。藉草方醉眠。松風忽吹醒。

房皞一首

送王升卿

傷哉船子峰頭月。昨夜團團今夜缺。月華猶是不
沾點塵

筆力駿逸不
沾點塵

長圓。人生安得無離別。世上憂端千萬許。惟有別
離心最苦。盧川春晚送君行。落花為我啼紅雨。四
海紛紛尚戎馬。我曹只合歸林下。如椽大筆今無
用。日課新詩自陶寫。嵩陽佳處如罨畫。浮可漁。今
田可稼。我欲從君覓隱居。却恐山靈嫌俗駕。

曹之謙 一首

寄鄉中故人

十年夢繞故山薇。世事悠悠與願違。華表未成遼
鶴語。青冥空羨塞鴻歸。雲橫北嶺迷鄉眼。塵滿西
風浣客衣。為報吾州舊親識。短書相慰莫令稀。

中條阻雨

行李淹蒲坂。歸期念晉州。高風千葉下。寒雨一山
秋。澗響頻驚夢。蟲聲亂入愁。酒醒孤館裏。心折大
刀頭。

盧摯 二首

春晚歛郡高齋

憑高得華構。燕坐臨此州。偶來稅塵鞅。得與靜者
遊。眈俗乃越楚。城居帶林邱。川明雲物閑。風喧鳥
聲幽。羣峰舉自獻。春溪亦爭流。餘花殿芳序。春苗
綠平疇。臨觴詎能飲。對時思悠悠。將指訪凋瘵。摩

撫庶有瘳。曠職固所虞。永日聊淹留。

行農洛西題王居仁山堂春曉

幽人持所見。曠然捐世故。豈薄軒冕榮。正有林壑趣。興居惟自適。早晏常暇豫。草芳澤氣春。鳥鳴嵐光曙。巖花抗韶容。溪雲澹吾慮。圖史敦宿好。朋遊非外慕。招邀具雞黍。笑言在農務。我來忝符竹。行田課耕助。撫卷懷清風。長吟山郭暮。

滕斌一首

湖西小樓

不如載酒此凭闌。水色山光蔚可餐。紫翠挾春排

坐溼。玻瓈湧月入窗寒。蒼茫白鳥鳴幽嶼。掩染飛花漾碧湍。但令風光入吟嘯。画船綺袖不須看。

馮子振一首

登金山

雙嶺嵯峨聳碧空。爛銀堆裏紫金峰。江流吳楚三千里。山壓蓬萊第一宮。雲外樓臺迷鳥雀。水邊鐘鼓振蛟龍。問僧何處風濤險。郭璞墳前浪打風。

周馳一首

懷郭安道

江南江北路茫茫。明月高樓各異鄉。旅雁叫雲天

海棠詩粗豪
此首雄壯與
題稱○樹影
中流見鐘聲
兩岸聞說得
太仄小矣江
流一聯氣魄
較大

似水故人今夜泊瀟湘

聶古柏 一首

九華山

江山青芙蓉。遙遙隔秋浦。九莖風露寒。萬壑煙霞古。瑤草含芳春。青松立亭午。安得一把茅。移家白雲塢。

張起巖 一首

青陽晴眺

秋風雨霽碧天涼。極目城樓逸興長。幾簇人家山色裏。一川禾黍半蒼黃。

如畫

曹元用 一首

京都次馬伯庸尚書韻

灤水橋邊御道西。酒旗閑挂莫簷低。春從綠樹林中老。雲補青山闕處齊。画戟遙臨青鎖闥。紫駟解惜錦障泥。鸞凰自為明時出。宜傍上林高處栖。

繆鑑 一首

梅花

鐵石槎牙玉粒姿。詩中圖画画中詩。半稜山色初晴後。一截谿煙欲暝時。流水帶雲栖瘦影。小窗和月上橫枝。老來自覺吟情拙。莫遣孤山處士知。

首尾俗中兩
聯能寫梅花
之神亦粘亦
脫

句新

汪珍 五首

秋懷

蕭蕭三日雨。苒苒度殘暑。草木行變衰。豈不感節序。荒園有絡緯。日夕促機杼。念汝戒衣裳。所思恨修阻。

耿耿夜氣清。索索風葉勁。天空河漢明。露下桑柘靜。羈鳥懷高樓。潛魚樂深泳。私憂撫良圖。斂退遂幽屏。輾轉夜達晨。屋山橫斗柄。

孫逸夫書堂作

青山盤盤雲氣度。岡巒滅沒互吞吐。柘林烟潤蘭

行。絲。荷。蕩。水。香。魚。弄。絮。人。間。化。物。日。夜。流。先。生。閉。門。雙。鬢。秋。大。隱。從。來。著。朝。市。幽。居。况。近。城。南。樓。

述懷呈殿幹碧梧友雲

門。巷。蕭。蕭。葉。擁。籬。僻。居。尤。是。畏。人。知。讀。書。未。及。半。表。豹。問。士。誰。當。甲。蔡。尼。萬。壑。風。號。天。欲。雪。一。溪。梅。發。夢。尋。詩。百。年。將。半。猶。羈。旅。可。待。麻。屨。受。拾。遺。

次答允峰殿幹見寄

題。得。新。詩。寄。所。思。從。公。始。恨。十。年。遲。燈。殘。暗。壁。蟲。催。織。月。滿。空。庭。鵲。繞。枝。客。路。飄。零。秋。易。感。老。年。情。味。夜。偏。知。江。煙。一。舸。蘆。花。雪。還。憶。往。年。相。別。時。

柯九思 三首

題安僧元帥遠景亭

東河亭子憑高爽。俯瞰平原繞茂林。滄海月生朱
栢溼。秦山雲起繡簾陰。夢回春渚鐘聲小。目倦晴
空雁影沈。誰似詩書老元帥。清時於此寫丹心。

商壽巖山水圖

敬仲深於繪
事題畫詩宜
其擅長然諸
作清安而已
此首瘦勁有
力淡裏工夫
為三昧句尤
其得心之言

老子胸吞幾雲夢。賸水殘山藏妙用。酒酣時把墨
濡頭。收拾乾坤作清供。粉黛不寫兒女顏。禿兔掃
盡江南山。孤峰拔地起千尺。凜凜秀色撐虛寒。飛
泉一道躍靈窟。古樹千株舞烟骨。小橋流水隔塵

紅中有幽人臥茅屋。衆竒百譎烏可名。筆力到處
俱天成。王維文死喚莫起。此畫一出疑更生。世人
飲食鮮知味。淡裏工夫屬三昧。屠門大嚼空垂涎。
口不能言心自醉。蹇驢馱我春莫時。觀山仰面哦
新詩。垂楊修竹夾古道。忽有桃杏橫纖枝。浴沂風
軟。搖輕袂。雨過屏山滴煙翠。數家籬落近橫塘。牛
背夕陽明遠霽。悠然對景心無窮。冥搜直欲收竒
功。貪愛眼前閑世界。不知身落畫圖中。

送林彥清歸永嘉

雁蕩接銀漢。翠湧生高寒。芙蓉散秋錦。飛落秋雲

高唱

端我昔造絕頂。天濶路漫漫。遙瞻廣寒殿。素娥正
憑闌。白兔擣月魄。指顧成神丹。因招宋成公。吹簫
垂紫鸞。俯視九萬里。元氣清團團。別來知幾時。弱
水如平灘。忽遇雁山客。霞佩青蓮冠。還入雁山去。
玉髓供晨餐。報我舊遊者。久待凌煙巒。吾患為有
身。南望空長歎。

李序一首

次韻納齋銅雀臺磚硯歌

銅雀臺傾見荒土。月黑妖狐上臺舞。千年甌甌墮
人間。瑟瑟苔花暗秋雨。天荒地老奈愁何。臺上青

淒涼語默然
不可多讀

泥生碧莎。斜風吹雨。啼蟋蟀。此是西陵長夜歌。魏
人膏血今已古。漆色凝花人未覩。一從為硯今幾
年。漳水滔滔自東去。為君寫作銅臺吟。臺前瓦礫
猶傷心。

李裕一首

送趙鵬舉之西臺掾

掾曹騎馬赴西臺。迢遞關河幾日回。秋草自隨人
去遠。夕陽長共雁飛來。亂雲荒驛迷秦樹。落葉殘
碑有漢苔。最憶年年寒食節。華筵誰向曲江開。

王都中一首

卷一

題如鏡山林清氣集

不作西湖夢。歸湖愜素期。山林有清氣。泉石到新詩。花落曉風靜。鳥啼春日遲。孤吟最佳處。猶在定回時。

王艮一首

次韻風月亭留題

重來楊子故人遠。滿目風烟如隔生。我遊無往不。適意。世故何者能關情。清宵晏坐山月上。白日緩步江風輕。扁舟欲發更留滯。隔岸杳杳來鐘聲。

李源道一首

次韻送虞伯生使蜀降香

城南尺五去天低。迴首彤樓十二梯。六月岷山猶有雪。三春雲棧迥無泥。浣花溪上看秧馬。芳草渡頭聞竹雞。見說草堂遺構在。公餘須到錦城西。

陳德永一首

暮春

山館青春老。溪扉白露斜。微風起新絮。小雨落餘花。蜜滿蜂登課。泥香燕作家。物情猶好在。人事益紛拏。

陳天錫一首

十字一氣下
流轉有力

送包釋可入幕
州帶福星明。君今指去程。亂山秋雨後。一路野蟬鳴。時靜軍書少。人閒官况清。歸來話風土。盡識荔枝名。

彭炳 一首

明簪

警句不可多得。在王孟集中亦是得意之筆。詩中高澹處。每以靜得之。亦以自然得之。纔

明簪倚修筠。撫摯自清絕。明河夜無聲。茅亭四簷月。露寒鶴夢醒。山花落香雪。白雲雖無心。今宵儻怡悅。持杯欲問之。忘言楚天碧。渺然思美人。芙蓉似顏色。乘鸞月明中。青霞擁鸞翼。苒苒別離時。吹

著意刻琢反
損天趣

簫苦幽咽

汪澤民 一首

題翠微寺

堂上麻衣坐。階前錫杖泉。人依碧霄近。寺與翠微連。山擁無塵地。雲開宿雨天。明當臨絕頂。禪榻借高眠。

張天錫 二首

題高尚書青山白雲圖

仙人胸有琅玕樹。吐作千峰落毫素。峰上蒼蒼一尺天。峰下雲行亦無數。因憶曾為天帝客。家在白

意深而語有
瓜趣

元詩選 卷四
雲深處住。白雲隨龍飛出山。我亦攀龍躡雲路。青
山笑人不早歸。大笑龍為雲所誤。變化無定端。飛
揚為誰故。試問古共工。何勞不周怒。飄飄巢上翁。
肯受風塵污。安得兩齒屐。載我逍遙步。醉臥青山
看白雲。莫嗔老子來遲暮。

客懷奉簡玉山

我昔離家七月強。只今十月隕清霜。可慚蜀酒黃
花興。應悔青燈白髮長。翠袖天寒修竹暗。綺窗日
煥唾茸香。夜長枕上揚州夢。江北江南是故鄉。

卜思義 二首

溪山春雨圖

野人結屋臨溪上。溪上白雲生疊嶂。城中車馬自
紛紛。朝聽樵歌暮漁唱。雲林鬣鬣春日低。小橋流
水行人稀。桃花落盡春何處。風雨滿山啼竹雞。

巢雲為吳義卿作

元氣氤氳天四垂。我來高處足棲遲。笑看烏鵲空
三匝。肯與鷓鴣共一枝。露溼衣裳星斗近。暖生毛
骨夢蒐知。有時借得天風便。喚取仙人白鶴騎。

昂吉 一首

聽雪齋分韻得度字

烏鵲鷓鴣亦
是常料運用
得好

元詩選 卷四
把酒臨前軒。積雪滿行路。清唱迴春風。夜色在高
樹。主人雅好客。殷勤道情愫。歡極座屢更。杯深不
知數。酒闌看雪行。亭亭水中度。

陳雷一首

寄劉仲原經歷

鴛鴦湖水漾晴暉。鏡裏遙峰入望微。槐蔭午衙書
帙靜。蓮香秋幕吏人稀。青雲步穩名逾重。白石歌
長願已違。他日相逢話疇昔。應憐憔悴不勝衣。

方行三首

和蒲菴禪師查峰夜坐二首

在昔多宿願。志藏巖壑間。朝看飛鳥出。暮逐浮雲
還。微雨南澗來。涼飈滿空山。振衣千仞外。逸駕誰
能攀。

人生固恒理。萬化俱同源。素抱既不展。淹留復何
言。願期高世翁。談道窮晨昏。空林冀有約。違已非
所論。

題吳彥嘉所藏張秋蟾龍圖

張公畫龍人不識。筆法遠自僧繇得。挂向高堂神
鬼驚。恍惚電光來破壁。夜當渤澥開筆力。元氣淋
淫浸無極。吞吐日月天地昏。摩蕩雲雷太陰黑。江

作更如此故
當不俗

翻石轉窅莫測。雪濤捲空銅柱側。洞庭扶桑非爾
 誰顛倒。滄溟為窟宅。乃知前圖只數尺。坐令萬里
 起古色。何當置我君山湖上之高峰。聽此高翁吹
 鐵笛。

高明 二首

宿先公房曉起偶成

曉雨池上來。微風動寒綠。幽人睡初起。開窗見修
 竹。西山帶曾雲。隱隱出林木。境寂塵自空。慮淡趨
 常足。獨坐無晤言。流泉下深谷。

賦幽慵齋

附適之至筆
 復蕭洒

閉門春草長。荒庭積雨餘。青苔無人掃。永日謝軒
 車。清風忽南來。吹墮几上書。夢覺聞啼鳥。雲山滿
 吾廬。安得嵇中散。尊酒相與娛。

陳方 一首

早冬過笠澤漁隱

方塘如鑑石如峰。落葉平蕪覆一重。雲作晚陰低
 蒨荔。水涵秋色亂芙蓉。黃冠道士松間過。白雪漁
 翁月下逢。尚想天隨無俗伴。應携茶竈與從容。

潘純 五首

送杭州經歷李全初代歸

東家老人語且悲。衰年却憶垂髫時。王師百萬若
過客。青蓋夜出民不知。巷南巷北癡兒女。把臂牽
衣學番語。高樓急管酒旗風。小院新聲杏花雨。比
來官長能相憐。民間蚊蚋飛青錢。黃金白壁馱西
馬。明珠紫貝輸南船。絲華消歇如翻掌。宮中賦歛
年年長。里巷蕭條去不歸。華屋重門結蛛網。語中
嗚咽不欲聞。道旁狼虎方紛紜。麒麟鳳凰那復得。
使我益重髯參軍。參軍在官近一考。素髮蕭蕭坐
成老。上言掣肘下吏罵。賴有閭閻獨稱好。杭州公
事天下繁。大才處決無留難。參軍累官日益貴。何

術可使斯民安。

復龍洲先生墓

夷門王氣橫江來。秋風落盡梁宮槐。鳳凰山頭駐
青蓋。海門樓閣空中開。五國城荒雪如席。寒擁旃
裘兩宮泣。帛書不繫雁南飛。衰草黃雲澹無色。君
臣自謂虞重華。不識何如司馬家。鳳笙龍管將進
酒。玉闌羯鼓方催花。白頭遺老空惆悵。鐵鎖長江
幸無恙。獄中誰救岳將軍。人間知有秦丞相。搢紳
之士皆汗顏。山林氣壓居庸關。那知忠義肝膽者。
弗在貂蟬玉珮間。何人好事高千古。愛此淳風似

宋高固魏晉
元此語諷刺
深婉

俗調

鄒魯咸陽寂寞漢諸陵。慚愧劉郎一杯土。

題豫章楊孝子水北山房

舊聞楊季子。水北有山房。竹色長年綠。松陰五月涼。雨絲深釣渚。風帙散書牀。亦欲相從去。江波不可航。

題張先生良常草堂五言一首

每愛草堂幽。來為竟日留。獨當山一面。更近水西頭。繞舍栽青竹。開窗看白鷗。拾遺茅屋好。不得近鄜州。

題岳武穆王墳

全新

岳墳詩趙松雪作最工此作亦復深婉

海門寒日澹無暉。偃月堂深晝漏稀。萬竈貔貅江上老。兩宮環珮夢中歸。內園羯鼓催花發。小殿珠簾看雪飛。不道帳前胡旋舞。有人行酒著青衣。

鄭東二首

寄郭羲仲

憶君持酒別。初月出東城。溪艇幾時到。春潮日夜生。白沙眠翡翠。青竹下鷓鴣。遙想汪徵士。題詩慰逸情。

題俞生山居

野水流花澗。春雲拂草亭。地連桐柏觀。人識少微。

筆法縱逸不為律縛

對起有力接亦欲便若以

起句移作中
時即平常矣

星養鶴還知相煎茶亦著經卜鄰應未晚休勒北
山銘

李元珪 一首

梁溪留別虞彦高

野人情曠達志不在輕肥夜雨三更夢春江一棹
歸神駒難並駕鷺鳥不羣飛老去纔聞道吾生漸
覺非

衛仁近 一首

秋夜曲

銀河流光夜初靜姮娥娟娟度鸞影綺䟽美人醉

方醒倚闌吹簫更漏永

文質 一首

和九成韻寄玉山主人

玉山之堂風日好高居共喜值清時紫簫度曲頻
行酒彩扇分題那賦詩溪樹積陰疑雨過水花流
影若雲移白頭有約漁莊上我亦歸休理釣絲

周砥 四首

賦得晚晴送禪師

浮雲莫褰霽空宇湛然清復念還山客遲遲南澗
行新禽響叢木殘照入孤城即此閑來往方紆塵

體物精細牢
籠漱滌至此
幾奪天巧

外情

夜坐懷孝常

待月下石壁。罷琴竹。間亭坐絕。百蟲響。旅懷繞夜。
寧天高玉露瀉。草木流晶瑩。四山湛秋色。萬物無
隱形。風蟬抱葉落。雪鵲迎雲停。此時西澗人。柴門
久已扃。誰同展清會。念此風泠泠。世難避空谷。憂
思同醉醒。偶適不為貴。人生易飄零。茫茫河漢流。
熒惑光衆星。干戈未衰息。前途杳冥冥。歲晏有結
托。東去浮滄溟。

雨中一首

淒涼懷故舊。寂寞臥邱園。溪冷風蒲折。林高雨竹
喧。漁人留野渡。田犬吠衡門。無限清秋意。何從製
一言。

送鄭同夫歸豫章分題百花洲

洲上百花明。春流日夜生。祇看維客棹。無復度霓
旌。落日山如舊。東風鳥自鳴。蕭條千古意。離別暗
傷情。

王鑑一首

喬宜中邀看杏花并再和宜中劉禹疇韻

朱闌曲徑春光好。一樹杏花開獨早。枝頭無處著

起五

風流時有幽香暗相惱。畫堂簾影晝婆娑。佇看嬌
姿紅映縞。芳心欲吐半含羞。脈脈春愁倩誰掃。飛
來翠鳥更多情。斜立花枝如画葉。主人留客客盡
歡。暢飲高歌各傾倒。明朝迴首綠陰濃。惆悵殘紅
藉芳草。

何景福 一首

六月十七日夜坐李寧之忽得風急落流螢
之句遂命足成一律

坦率坐中庭。高門夜不扃。露垂聞警鶴。風急落流
螢。對語頭俱黑。相看眼更青。客星在何處。指點認

天經

陸居仁 一首

國馬足

國馬足。吉行五十轡如沃。天馬足。一日千里更神
速。國馬天閑飽芻粟。太行鹽車天馬哭。

羅蒙正 四首

次韻俞太常觀國招撫江南航海至新會八
首 錄四

日月行天豁翳昏。茫茫元氣載重坤。三山在望端
倪潤。萬水朝宗海獨尊。飛馭羲和凌若木。窮河漢

格調高亮有
唐人之風

使到崑崙功成得似班司馬。絕域生還度玉門。
鳳掖珊瑚響佩珂。龍池風暖綠生波。節辭仙仗排
闈去。帆趁春潮帶雨過。北極神君尊帝座。南箕星
象逼天河。騷人舊是瀟湘客。幾濯滄浪發浩歌。
三殿傳宣勅使來。皇華後彩煥中台。方蓬瑞氣翔
雙鳳。渤海濤聲殷萬雷。雲夢心胸吞芥蒂。邱山名
節冠崔巍。秋期歸對金蓮直。人在中天白玉臺。
繡斧承恩霄漢間。節旌南去幾時還。蒼茫析木津
頭路。縹緲雲螭海上山。禁苑花濃今正發。扶桑弓
健舊曾彎。並遊羣俊長相憶。逸駕重來許共攀。

周 棐 二首

次陳彥博編修雨中見懷

澤國仍多雨。溪流沒兩涯。墟煙迷小市。泥草亂空
階。蘊藉詩中意。蒼茫病裏懷。明朝晴日好。對話兩
情諧。

送人歸楚

楚甸荒涼舊鎮微。春來漸覺思依依。故鄉兵後今
誰在。遊子江南恨獨歸。長路關心聞過雁。孤城回
首見斜暉。家人十載傷離別。芳草閑堂靜掩扉。

許 恕 五首

悵惻

寫雨景最工

偶成

一雨豆苗綠。獨行溪水西。繁露墜修竹。新流漲芳堤。偶與樵者語。忽聞幽鳥啼。內機久已息。處處武陵溪。

告天子

告天子。爾何微。麥秀風暄高下飛。餘音嫋嫋入雲。飛向天闈。如有訴天闈。蕩蕩虛且高。言之諄諄徒爾勞。多少功臣如柱石。緘口全身保衣食。

辛丑中秋

一輪滄海月。依舊去年明。異縣孤邨夜。中原萬里。

即物為意。慨當以慷。

本唐入

而氣力自健

情。聲飄蘆笛遠。光湛鐵衣清。願照逃亡屋。乾坤一治平。

新秋客懷

百年身世一浮漚。又見新涼入郡樓。何處砧聲連野哭。舊時月色照邊愁。吳姬悵望芙蓉浦。宛馬驍騰首藉秋。壯志不隨天地老。幾回風雨夢神州。

漫興

東吳戰鬥幾時休。老我飄蓬十二秋。剩水殘山餘野意。落花飛絮亂春愁。歸田空羨張平子。下澤長懷馬少游。倦鳥孤雲還自在。幾家春雨送歸舟。

婉轉悽惻。所謂到亂離工也。

元詩選卷四
呂誠一首

秋夜

砌草蟲吟四壁靜簷竹搖燈動秋影老來無夢到陽臺開門月在青松頂

元詩選卷四終

元詩選卷五目錄

楊維禎十五首

張昱十首

倪瓚十四首

黃清老二首

丁復二首

薛漢二首

潘伯修一首

甘立二首

伯顏一首

元詩選卷五

目

元詩選 卷五
王冕四首

吳景奎六首

曹文晦五首

郭翼二首

郭珏十九首

王逢十四首

葉顥十二首

華幼武五首

丁鶴年六首

顧瑛十七首

白珽一首

龔璠二首

張弘範四首

楊奐一首

楊果三首

徐世隆一首

元詩選卷五

無錫顧奎光星五選輯

陶瀚昆謀
陶玉禾昆毅
叅評

楊維禎 十五首

廬山瀑布謠

老橫鐵崖
筆力橫處無
人可及如題
唐元宗按樂
圖起句云大
唐天子梨園

銀河忽如匏子決瀉諸五老之峯前我疑天仙織
素練素練脫軸垂青天便欲手把并州剪剪取一
幅玻璃煙相逢雲石子有似捉月仙酒喉無耐夜

師即此七字
有萬鈞力

渴甚騎鯨吸海枯桑田居然化作千萬文玉虹倒
挂清冷淵

南婦還

今日是何日。慟返南州岐。涓涓東逝水。一日有西
歸。長別二十年。休戚不相知。去時鬢髮青。歸來面
眉顰。昔人今則是故家。今則非脫胎有父母。結髮
有夫妻。驚呼問隣里。共指塚纍纍。訪死欲穿隧。泣
血還復疑。白骨滿邱山。我逝其從誰。

五禽言 錄二

廉夫詩病在
太緝又苦墓

姑惡姑惡。婦不惡妾命苦。姑有孝女。姑為慈母。妾

長吉多作無
理語以矜奇

亦甘為東海婦

以此等正佳
在不甚看色
而古峭有致

行不得哥哥。我不行奈我何。西山有豺虎。西江有
風波。風波尚可壺。豺虎尚可羅。努兒關平地。多行
不得哥哥。

殺虎行

劉平妻胡氏從平戍零陽。平為虎擒。胡殺
虎爭夫。千載義烈有足歌者。為賦是章。

夫從軍。妾從主。夢竟猶痛刀箭癢。况乃全軀飼豺
虎。拔刀誓天天為怒。眼中於菟小於鼠。血號虎鬼
冤魂語。精光夜貫新阡土。可憐三世不復仇。泰山

之婦何足數。

膳脂井

昨夜韓擒虎。將軍奏凱回。井中人不死。重帶美人來。

陽臺曲

月落望夫山。高臺十二鬟。楚宮多妬女。雲雨夢中還。

烽火辭

美人方一笑。烽火不須驚。昨夜驪山下。西戎已結兵。

小樂府鐵崖自稱獨步即此數首清新隱妙自非鐵崖不能

題二喬觀書圖

結處太難為。文矩然胡笳。詞傑而弱必非文姬筆當是唐人低手效之耳不解世人何以好之。

喬家二女雙芙蓉。一代國色江之東。亂離唯恐埋百草。豈料一日俱乘龍。江東子弟孫郎策。同住周郎道南宅。弟兄不減骨肉親。喜作喬家兩嬌客。明年符死鏡中妖。銅雀春深愁大喬。自是阿瑜能了事。黃星一道隨煙銷。小喬初嫁有如此。天下三分從此始。風流顧曲本多才。風雨雞鳴戒君子。喬家教女善詩書。豈比小姑持刃為。帳中草檄名漢賊。已知事屬方頤兒。君不見阿瞞老贖蔡文姬。博學才辯何所施。天下羞誦胡笳詞。

諷刺深冷

題王粲登樓圖
臨洮水涸銅人毀。西園青青草千里。秦川公子走
亂離。瘦馬疲童面如鬼。俊君威名跨海南。虎視走
鹿何眈眈。可憐膝下盡豚犬。誰復大厦收榎楠。落
月樓頭髀空拊。目斷神州隔風雨。平生不識大耳
公。座上客歸丞相府。春深銅雀眼中蒿。攬涕尚復
思登高。江山破碎非舊土。版圖何日還金刀。荆臺
高樓已荆棘。丹青寫賦工何益。君不見袁家有客
能罵賊。將軍頭風重草檄。

詠石榴花

密幄千重碧。疎巾一棹紅。花時隨早晚。不必嫁春
風。

織錦圖

解得翻案法
自能無窮出
清新

秋深未寄衣。絡緯上寒機。斷織曾相解。夫君不用
歸。

雨後雲林圖

浮雲載山山欲行。橋頭雨餘春水生。便須借榻雲
林館。臥聽仙家雞犬聲。

送玉笥生往吳大府之聘兼簡國寶樞相賓

卿客省

張士誠據姑蘇元主以上尊酒賜之士誠設宴以享使者廉夫與馬即席賦詩士誠甚慚見戴冠濯纓亭筆記

近報淮吳張柱國樓船遣使聘嘉賓漢家自有無雙士趙客何勞十九人天上瓊花回后土江南杜宇到天津若逢呂相煩相問應有奇書痛絕秦

席上作

江南處處烽煙起海上年年御酒來如此烽煙如此酒老夫懷抱幾時開

張昱十首

舟行即事

舟行如虛空上下天光裡中宵撤前幔繁星在清泚天河橫未落北斗當面指涼風波上來吹皺青

天綺蘆洲集夜禽聒聒鳴不已惡聲雖擾眠清景則可喜却思車馬塵此時動城市

五王行春圖

開元天子達四聰羽旄管籥行相從當時從駕驪山者宰相猶是璟與崇華萼樓中雲氣裏兄弟同眠復同起玉環一旦入深宮大枕長衾冷如水與慶池頭花樹邊梨園小部俱嬋娟楊家姊妹夜遊處銀燭萬條生紫煙寧知樂極哀方始羯鼓未終鼙鼓起褒斜西幸雨淋鈴回首長安幾千里

過歌風臺

瞿宗吉云豪
邁跌宕雅興
題稱事字
失韵

安得猛士守
四方幸韓彭
之俱盡也誅
心之筆

結不蕭颯有
筆力

世間快意寧有此亭長。還鄉作天子。沛宮不樂復
何為。諸母父兄知舊事。酒酣起舞和兒歌。眼中盡
是漢山河。韓彭受誅黔布戮。且喜壯士今無多。縱
酒極歡留十日。感慨傷懷涕沾臆。萬乘旌旗不自
尊。魂魄猶為故鄉惜。從來樂極自生哀。泗水東流
不再回。萬歲千秋誰不念。古之帝王安在哉。莓苔
石刻今如許。幾度秋風灞陵雨。漢家社稷四百年。
荒臺猶是開基處。

婆留井

舊日婆留井未湮。石闌苔蘚上龍鱗。而今率土皆

臣妾。莫願皇天產異人。

春日

一陣春風一陣寒。芭蕉長過石闌干。只銷幾箇曹
騰醉。看得春光到牡丹。

投贈潞國公承旨學士張仲舉

漢家舊德有桓榮。赤舄登朝羽翼成。三晉鳳鳴千
載會。兩河龍現五雲迎。獨於社稷多艱日。復使君
臣大義明。自念昔曾親几杖。頌聲慚後魯諸生。
退居湖上投贈楊左丞

且觀神女為行雨。莫問郎官應列星。芳草到門無

張氏擅權光
弼頗憤此詩
蓋刺淮張用
事諸人隼水
可味

勁挺有力

好句

俗駕好山終日在湖亭白鷗共戲荷葉小黃鳥亂啼楊柳青肯信曲闌干外立晚涼吹得酒初醒

戊戌題

華表仙人舊姓丁羽毛今日惜飄零海中又見蓬萊淺門外空傳楊柳青莫雨朝雲翻覆手落花飛絮短長亭如今未熟黃梁飯說道英雄夢已醒

此亦應為張氏作結句與春日絕句意致相似

辭答張太尉見招

中年頓覺壯心去涉世頗知前事非若使范增能少用肯教劉表失相依風雲天上渾無定麟鳳人間不受韃殘夢已隨流水遠五湖春水一鷗飛

感事

雨過湖樓作晚寒此心時暫酒邊寬杞人唯恐青天墜精衛難期碧海乾鴻雁信從天上過山河影在月中看洛陽橋上聞鶉處誰識當時獨倚闌

倪瓚十四首

春日雲林齋居

池泉春漲深逕苔夕陰滿諷詠紫霞篇馳情華陽館晴嵐拂書幌飛花浮茗盞階下松粉黃窗間雲氣暖石梁蘿蔦垂翳翳行蹤斷非與世相違冥棲久忘返

聽袁子方彈琴

蕙帳凝夕清。高堂流月明。芳琴發綺席。列坐散繁
纓。迴翔別鵠意。縹緲孤鸞鳴。一寫冰霜操。掩抑寄
餘情。

走筆次陶蓬韻送葉叅謀歸金華

手把玉芙蓉。青天騎白龍。出入人間世。飛鴻踏雪
蹤。瑶草粲可拾。羣峰森玉立。璧月挂天南。離離星
斗溼。君昔在山時。玉韞山有輝。因同白雲出。更與
白雲歸。白雲無定處。豈只山中住。河漢共縈紆。經
天復東注。金華牧羊人。游戲不生嗔。笑拂巖前石。

行看海底塵。手調白羽箭。陋彼磨鐵硯。一語不投
機。歸歟寧再見。士豈始隗乎。全趙匪相如。項王疑
亞父。竟爾龍爲魚。擾擾何時已。百年聊寄耳。良也
報仇歸。言從赤松子。去山今幾年。還山大學仙。天
台司馬宅。雲氣近相連。

述懷

讀書衡茅下。秋深黃葉多。原上見遠山。被褐起行
歌。依依墟里間。農叟荷蓀過。華林散清月。寒水澹
無波。遐哉棲遁情。身外豈有他。人生行樂耳。富貴
將如何。

池蓮詠

迴翔波間風。的歷葉上露。清池結素彩。華月映微步。雲陰花房歛。雨歇芳氣度。欲去拾明璫。踟躕惜遲暮。

雲槎軒

已比溝中斷。空思海上浮。隨雲秋汎汎。貫月夜悠悠。無路通河漢。憑誰問斗牛。漂搖非有待。吾道付滄洲。

春日

閉門積雨生幽草。歎息櫻桃爛熳開。春淺不知春

有寄託意便深遠

食近水深惟有白鷗來。即看垂柳侵磯石。已有飛花拂酒杯。今日新晴見山色。還須拄杖踏青苔。

次韻薩天錫寄張外史

谷口路微山木合。溼衣空翠不曾晴。飢猿扳檻為人立。寒犬號林如豹聲。小閣秋清聽雨臥。長空日出採芝行道心。得失已無夢沐髮朝真候。五更

別章鍊師

方舟共濟春江濶。訪我寒烟菰葦中。鼓柁斜衝蘋葉雨。釣簾半怯杏花風。仙人壇上芝應碧。玉女窗中桃未紅。擬趁輕帆數來往。縹壺不惜酒如空。

秀麗

句法簡峭

六月六日盧氏客樓對雨呈維寅
無家隨地客。小閣看雲眠。涉夏雨寒甚。似秋風颯然。舞鸞悲鏡影。飛雁落箏絃。好轉船頭去。江湖萬里天。

東林隱所寄陸徵士

寢扉桃李晝陰陰。耕鑿居人有遠心。一夜池塘春草綠。孤邨風雨落花深。不嗔野老羣爭席。時有遊魚出聽琴。白髮多情陸徵士。松間石上續幽吟。

次韻郊九成見寄

郭外青山舊結廬。微茫野徑望中無。殘生竟抱煙

善自寫照

霞癖。好事猶傳海岳圖。夜壁松風懸雅樂。秋池菊水酌商觚。倘從世外求玄賞。好趁輕舟看浴鳧。

懷歸

久客懷歸思惘然。松間茆屋女蘿牽。三杯桃李春風酒。一榻菰蒲夜雨船。鴻迹偶曾留雪渚。鶴情原只在芝田。他鄉未若還家樂。綠樹年年叫杜鵑。

自題設色山水贈孟膚徵君

秋潮夜落空江渚。晚樹離離含宿雨。伊軋中流聞櫓聲。臥聽漁人隔煙語。

黃清老 二首

元詩選

卷五

十

酷似文房

訪子威都事不遇

清曉抱綠綺。來就夫君彈。夫君久已出。野水流花
間。石澗度微雨。秋生湖上山。松陰坐永日。心與雲
俱閒。人事有離合。白鷗聊共還。

山行

采采巖下菊。菊老花壓地。泉露飄我衣。擷英不盈
袂。錚然松子落林下。遠風至。沈吟不成詩。支筇領
山意。

丁

復

二首

題畫馬為方遠上人賦

說得盡意却
深遠可味

翻少陵案

上人超世姿。脫然了無為。猶有愛馬癖。或比道林
支。天馬由來出天池。西大宛國乃有之。房星寫神
孕龍胎。雄志倜儻精權奇。飛行滅沒電莫追。空塵
留煙不得窺。月氏之虜那敢騎。漢武遠慕穆天子。
欲躋昆侖游具茨。遣使先開玉關道。鳳頸虎翼初
就羈。王良造父死已久。當時不知馭者誰。唐人為
馬置馬監。奚官果是何物兒。况復教之作馬舞。跪
拜起伏取笑娛。伏能鳴輒引去。俛首低摧青絡
絲。欲從駑駘服轅下。局促動遭箠策施。非徒喪志
失天性。病骨瘦柴如宛錐。所以韓幹為畫肉。不忍

神駿成凋羸。大漠茫茫天作屋。飢斃飽臥驕且馳。
蒲稍蕭颯輕風度。首著參差新雨滋。胡為束縛對
斯養。長嘶無聲情內悲。我豈伯樂知馬者。意與馬
類傷馬時。自從眼前見此卷。把軸起坐飲更披。上
人之意無乃爾。笑絕長題画馬詩。

送萬容長老歸故山

長記題詩送萬容。喜看飛錫下諸峰。笙吹緱嶺仍
騎鶴。劍出豐城又化龍。山氣含霜飄夕磬。溪聲和
月瀉寒春。何如官寺聽車馬。空伴黃塵起斷鐘。

薛漢二首

溪聲句佳

和馬伯庸御史效義山無題四首 錄一

乘槎準擬逐秋潮。却訪成都萬里橋。滄海有山皆
縹緲。青雲無路不迢遙。閒居潘岳驚斑鬢。歸去陶
潛嬾折腰。後夜相期明月上。露臺高處弄笙簫。

睡起

卷簾春色上苔衣。新水相看近竹扉。風動樹枝鳴
宿鳥。雲收山嶺放晴暉。舉杯竹葉埽愁去。欹枕楊
花約夢飛。腸斷碧苔溪上路。暖風晴日釣魚磯。

潘伯修一首

起坐歎

隱秀

丈夫七尺軀而無一金資。內懷千年意。外有萬里思。終朝閉關坐。辛苦不敢辭。身長不肯屈。何以慰親慈。

甘立 二首

送方叔高賦得長安道

灞陵橋上秋風早。行人曉出長安道。長安城頭烏正啼。長安陌上聞朝雞。征車遥遥行復止。征馬蕭蕭鳴不已。將軍年少美且都。黃金箭鏃雕玉弧。未央前殿進書罷。諸生拜官辭石渠。將軍歸去亦草草。長安道邊人羨好。莫憐賈誼謫長沙。不見馮唐

此從王介甫
明妃詩中脫

禁中老

春日有懷柯博士

闔閭城外亂鶯啼。笠澤春深水滿陂。好買扁舟載圖畫。布帆東下若耶溪。

伯顏 一首

北山

平川楊柳翠依微。暖日游絲挂綠扉。啼鳥不知江國變。多情到處勸人歸。

王冕 四首

棠梨白練圖

慎院

出

元詩選 卷五
芙蓉香冷。簫聲杳。月淡煙清。楚宮曉。仙禽不語。雪衣輕。相逢却恨秋風早。土花翠淺。霜露蒙山。梨小。結丹砂紅。玉人醉倒不知處。夢回故苑。朝雲濃。

寄大素高士

我昔扁舟上耶溪。尋君直過丹井西。長松月冷啼子規。春風滿地芳草齊。樓殿玲瓏金碧涌。鐘聲不出松雲重。老猿掬澗山影亂。翠禽啄露巖花動。此時相見不作難。握手笑上松花壇。壇下十萬青琅玕。空陰漠漠常風寒。我對青山論今古。青山茫茫無一語。知其與我忘爾汝。石瓢酌我雲根乳。冷然

隔字下得有力。然其佳處。又不在一字之工。

使我肝膽清。飄裾欲度浮雲輕。千峰回影。日落日。萬壑欲盡。松風聲。回首溪山忽成別。幾見工每飛白雪。洞庭湖上聽夜雨。仲宣樓頭望明月。熒熒對景傷古情。寸心欲吐書難憑。何當相晤一抵掌。與君細看真蘭亭。

金陵行送俞局官

李白題詩。舊遊處。桃花楊柳春無數。六代衣冠委草萊。千官事業隨煙霧。大江西下秦淮流。石頭寂莫園荒邱。原田每每盡禾黍。青山不掩諸公羞。高樓如天酒如海。觸景令人生感慨。紅墮香愁燕子

兔詩氣骨高。奇上撫謫仙。下規長吉。

元詩選 卷五
飛風流王謝今安在。我欲去尋朱雀橋。澹煙落日
風蕭蕭。交疏結綺杳無迹。但見野草生新苗。小兒
紛紛競豪縱。區區割據成何用。芙蓉水冷。臙脂消。
千古繁華同一夢。傷今弔古如之何。頭上歲月空
蹉跎。君行喜有絲五紵。宦情不似詩情多。江南故
事可知否。白雲霏霏變蒼狗。休論平生錦機手。浩
歌且醉金陵酒。

黃牛山

招提萬山底。古屋蔽煙霞。密竹先秋意。長藤過夏
花。繁陰沈雨脚。清響漱雲牙。老衲看如雪。相逢話

作家。

吳景奎 六首

望江亭懷古

金刹璇題入絳霄。望江猶自記前朝。羣臣痛灑新
亭淚。孱主方看浙水潮。故物蒼龍蟠石柱。當時丹
鳳聽蕭韶。屬鏤一夜英雄老。曾見鴟夷恨未銷。

晚霽

雨晴秋氣轉蒼涼。萬籟依稀奏羽商。烟抹林腰橫
東素日。迴山額。半塗黃。鷺鷥曬翅眠池草。翡翠銜
魚立野航。霜蟹正肥新酒熟。破橙宜趁菊花黃。

極意刻畫而
不入纖

頓挫跌宕

至邵存存菴文叔兄尹舜卿舍弟景參不期
而會遂同宿菴中時何仲畏留吳博士宅
恨不合并也

兄弟相逢琳館靜倚闌忽見故人來一時良會有
如此百歲好懷能幾回竹屋對牀宜共雨風簾翦
燭共持杯何郎只在蘭江上安得相携笑口開

次韶答錢思復并簡呂彥夫

相逢動是經年別笑指沙鷗聚舊盟芳草只添游
子恨清風還有故人情薇花亭館春容老木葉林
塘晚氣清社宇聲聲愁不奈朝來白髮鏡中生

山水小景

秋滿西山爽氣多山人帷箔卷煙蘿清溪只在雲
林外夜半月明聞櫂歌

代呻吟絕句

蘆花方褥竹方牀葛帳含風薤簟涼夜半起來山
月白滿天清露灑衣裳

曹文晦 五首

九月一日清溪道中二首

老樹依沙岸柴門上不鄰斷橋歸郭路細雨過溪
人白鷺雙飛去黃花數點新惜無遺世友聯句坐

斷橋松風雨
聯入唐律亦
為佳句

苔茵

微月懸孤榻。殘雲過斷塍。松風林外笛。茆屋水邊燈。久坐忘為客。清吟未得朋。沙頭有飢鶻。昏暝亦飛騰。

和山居六詠 錄二

解却塵纓到處閒。底須峴首與商顏。獨醒不慕酒泉郡。太瘦休嘲飯顛山。得路漫誇騰踏去。有巢何待倦飛還。近來生意君知否。種得琅玕與藥欄。毀譽何曾畏簡書。是非終不到庭除。衣忘紈綺食忘肉。山可樵。蘇水可漁。民物遇秦多坎軻。世情如

秀球

老硬

蜀幾崎嶇。有時自說江湖夢。一笑梅花月上初。

聖壽山休暑

桐柏山西暑氣微。碧蘿涼吹繡絺衣。巖前倚杖看雲起。松下橫琴待鶴歸。白眼看人多變態。青雲得路有危機。下方風浪休回首。深閉柴門到夕暉。

郭翼 二首

擬杜陵秋興八首 錄二

江上青山接甬東。離離禾黍館娃宮。芙蓉舊苑長洲裏。麋鹿荒臺落照中。銀海雁飛沈夜月。金莖露冷濯秋空。可憐蕭瑟江關莫。詞客哀吟思不窮。

元詩選 卷五
落日江南發櫂歌。楚王宮殿鬱嵯峨。雨經巫峽朝
雲溼。木落洞庭秋水多。璧月銀河今後在。玉簫金
管奈愁何。只今文藻悲遷客。何處波濤弔汨羅。

郭 珣 十九首

長相思

長相思。相思者誰。自從送上馬。夜夜愁空幃。曉窺
玉鏡雙蛾著。怨君却是憐君時。湖水浸秋藕。花白
傷心落。日鴛鴦飛。為君種取女蘿草。寒籐長過青
松枝。為君護取珊瑚枕。啼痕滅盡生網絲。人生有
情甘白首。何乃不得長相隨。瀟瀟風雨啜啜。嗚雞

相。思。者。誰。夢。寐。見。之。

簡王志元

戰塵暗南國。白日無晶輝。客行何慘戚。途窮不忘
歸。語及國家事。老氣晴虹飛。朝飲南山水。夕採西
山薇。嗟彼反側子。捐軀逐輕肥。寒餓良細事。大義
有是非。

賦清溪

清溪之水抱幽谷。盤渦細浪相盪。半篙晴日蕩
金鱗。一帶秋烟溜寒玉。溪上仙翁絕塵俗。開門俯
溪飲。溪淥白鳥飛來明鏡中。垂楊鎖斷闌干曲。窈

靜思窮賦不
悔可謂志節
之士此詩具
見氣骨

宛春花亞修竹。修竹何人共碁局。紫蘿爲蓋草爲
褥。如輞川圖懸一幅。嗟我早年厭羈束。五湖風月
醉心目。祇今是處沸鯨波。把釣從君事亦足。

葵花歎

朝見葵花長歎息。莫見葵花重於邑。白日攜光萬
彙蘓。寸心炯炯誰能識。蠟光膩粉花正開。翠袖捧
出萬金杯。再拜君王千歲壽。六龍迎駕扶桑來。朱
門厭逢車馬客。移花遠置山巖側。不辭辛苦灌葵
根。遮莫浮雲翳空碧。

桐江宴集和周子諒韻

岸巾長嘯吾與君。讓君筆力飛春雲。蒹葭枯折吳
江濱。芝蘭却許濃香薰。今夕何夕歌聲聞。江山重
到吾已老。慚愧詩成瘦如鳥。坐中少年美詞藻。琪
樹交花照晴昊。懷抱一時盡傾倒。玉瓶行酒盃如
飛。爭雄得雋酒滿衣。持觥御史令莫違。斫魚烹雁
頤。指揮荊州吾土還相依。江上雲荒月欲爛。客囊
空貯閑愁滿。不謂相逢重展轉。交情豈必論深淺。
黃鵠一飛天地遠。

征婦別

征婦臨行曉妝薄。上堂辭姑雙淚落。含情欲訴嗷

聲情真即以
入少陵三別
中亦應許為
嗣响

莫至

留侯能用漢
高而不為漢
高用故為人

憐

國朝侯朝宗
論王猛謂其
忠於晉室此
詩乃先發之

元詩選

卷五

十九

聲長一段淒涼動林壑。從夫不辭行路羞。婦去誰
為養。姑謀婦人在。軍古所忌。今者名募如追囚。十
年婦姑共甘苦。一室倒懸空四顧。小郎蚤沒更無
人。却把晨昏托隣婦。情知送兒是埋兒。姑年老大
莫苦悲。萬一軍中廢機杼。減米換衣當寄歸。小旂
叫呼催早別。出門便成千里隔。今夜不聞喚婦聲。
愁心共挂天邊月。

張良詠

韓成未死思報秦。漢燒棧道吾兵神。韓成已死思
報楚。始知漢王乃天與。昨日相從赤松子。今日已

見淮陰死。控御天下漢業崇。不受控御真英雄。

王猛詠

五馬渡江老臣泣。垂死丹心在王室。當年非不思
南來。王謝豈能生羽翼。魏相張儀尚為秦。聊借羗
苻展才力。江南雖僻不可圖。青史千年誰獨識。

射虎行贈射虎人

昨日射虎南山巔。悲風蕭蕭眼力穿。今日射虎北
山下。虎血濺衣山路夜。朝朝射虎無空歸。家人望
斷孤雲飛。度嶺踰山弓力健。虎肉共分不辭遠。府
司帖下問虎皮。高枕髑髏醉不知。虎昔咆哮百獸

七詩選

卷五

十九

走一死寧知在君手。鼻端出火耳生風。拔劍起舞
氣如虹。昨夜空邨見漁火。牛羊不收犬長臥。作詩
贈君毛髮寒。煩君為我謝上官。君不見昔日劉昆
稱長者。虎北渡河不須射。

秋望

長嘯動巖壑。秋風生滿林。片雲隨雁度。疎雨約蟬
吟。燕馬關山遠。吳船歲月深。歸來蘇季子。何用苦
多吟。

黃州有警聞從弟銓已過興國度早晚可抵
家

約字佳下首
貧賤一身浮
浮字中有多
少意思故知
詩貴鍊字。
鍊字不徒在
新異能使一
字中包括意
思方妙

戎馬壓黃州。君先理去舟。艱難千里遠。貧賤一身
浮。宿將今誰在。親王只自謀。長江如失險。鄉國足
深憂。

澄虛亭

匹馬江上行。且停蒼松夾道風。冷冷波光倒吞落
日。白雲氣下接炊烟。青山僧獨行。掃殘葉。水鳥雙
飛迴遠汀。主人邀客領奇勝。賦詩把酒澄虛亭。

殘年

久愁兵氣漲秋林。不謂殘年寇轉深。四野天青烽
火近。五更霜白鼓聲沉。金張富貴皆非舊。管樂人

材不到。今江上米船看漸少。捷書未報更關心。

和寄從弟銓

腐儒憂國淚。闌干江海容身何處寬。驚報每愁諸弟隔。臨危但祝老親安。對牀風雨長相憶。負米晨昏不盡歡。最苦二郎獨冥漠。晚煙原上鶴鴿寒。

晚眺

眼看淮海待澄清。骨滿邊城苦戰爭。老大不堪思往事。飢寒久已厭吾生。煙深薜荔樓烏急。風響蒹葭落雁鳴。惆悵故人書不到。別來十載最關情。

和羅習之見寄因簡劉淵

靜思身當元季。經歷艱難。閭里流離之狀。皆目擊之。其詩悲憤窮愁。而出以蘊藉。不必依仿少陵。而有神

似處少陵詩。只是真至處。不可及耳。時危句太平。苟安末季。補苴之病。皆招其中。

昨日尋君恨不逢。離愁散入暮煙中。古陂淨瀉秋千頃。歸路斜分月半弓。年少向人偏骯髒。時危臨事始疏通。論心長欲書燈共。無奈君西我復東。

懷羅達則

溪山杖屨每相違。况復經年去不歸。移席花間春雨至。倚樓江上暮雲飛。鄉書到手兼悲喜。世事關心有是非。池上祇今新綠滿。待君同製芰荷衣。

六月二十九日觀雨

青山山下是吾廬。六月邱園草盡枯。憑仗西風吹雨去。官田今歲又添租。

真至

有感寄宋五

春夜情濃夢覺空。爛柯不省遇仙童。人間翻手恩成怨。無怪襄王憶夢中。

王逢十四首

錢塘春感六首 錄三

王氣凌虛散曉霞。虎闌麈閣靜煙花。中天日月迂黃道。滄海風雲冷翠華。望帝神遊夔子國。烏衣夢隔野人家。當時舉目山河異。豈但紅顏泣塞笳。周南風俗漢衣冠。五色雲中憶駐鑿。瓊檜高藏白獸。蕊珠花發降文鸞。河通織女機絲溼。雨歇巫

原吉心乎元
字詩多故國
之思

娥翠黛寒滿地。吳山誰灑淚。一江春水獨凭欄。

金爵觚稜月向低。泠泠清磬萬松西。五門曙色開龍尾。十日春寒健馬蹄。紅霧不收花氣合。綠波初漲柳條齊。遺民暗憶名都會。尚繞湖濱唱大堤。

秋感六首 錄二

豆苗瓜蔓未應稀。菰米蓴絲積漸肥。南極有星天半隱。東維無地海全歸。連城不換相如璧。百結何妨子夏衣。回首故山荆棘外。幾年空翠鎖煙霏。鮫魚風息淨江波。軋軋機絲響薜蘿。華髮道途秋日短。曠懷樓閣暮陰多。浮查愛宿炎州翠。紉草從

眠墨沼鷺心自隱憂身自逸幾時天馬渡滹沱

舟過吳門感懷二首

躍馬橫戈東楚陸據吳連越萬熊貔風雲首護平
淮表日月中昏鎮海旗王帳歌殘壺盡缺天門夢
覺翻雙垂南州孺子為民在愧忝黃瓊太尉知
強兵富境望賢豪戴縷垂纓恨爾曹一聚劫灰私
屬盡三邊陰雨國殤號江光東際湯池濶山勢西
來甲觀高形勝不殊人事改扁舟誰酌月中醪

鄰飲

蠟炬繞紅鸞盆花玉露溥無家憎月色多難薄春

悲壯。結句
應指士誠說
原吉不忘張
氏如此牧齋
稱其為張氏
畫策亦非妄
矣

寒毛穎時旌鬼黃金少鑄官西鄰濁酒熟得罄一
回歡

至正丙午三月廿八日自潢泖遷居烏涇宋

張驥院故居有林塘竹石因扁堂曰儉德

園曰最閒得詩凡六首錄一

無才甘在野多懶愜行園石露溥雲氣池風損水
痕草深眠雉子林靜習鴉孫擬著幽居錄漁樵共
討論

得兒掖書時戊申歲

客夢躬畊隴兒書報過家月明山怨鶴天黑道橫

此明太祖改
元之歲也時

已略定中原
矣原吉但書
戊申亦有淵
明書甲子意
乎但淮張驕
溢致亡非可
與共功名者
而原吉惜之
至以士德為
孤忠東吳為
屠齒豈非書
生之見

蛇寶氣空遺水春程不見花衰容愧者舊猶語玉
人車

秋詞

香散天街靜玉珂露臺風殿夜如何星從河漢淡
中落秋在梧桐疎處多鸞影不曾離寶鑑蛛絲先
已綴金梭君王繭館詢遺事却擬鸞車共載過

宋婉容王氏辭

徽宗在北四太子請王婉容妻黏罕子上
遣之婉容大哭曰何忍一身事兩主就與
中奪刀自刎死太子歎異擇地葬之且為

立碑曰貞婦冢事載俞文豹吹劍錄

二宮有警無嚴蹕賤妾徒為虜雛匹假如青冢向
黃昏不若金刀照白日白濡一縷願隨終煙沙漫
漫霜雪容令人想見旌貞石氣敵雙高湖上峰

夜過蒼墩江隱居

白茅蕭蕭風色昏歸人自語煙際邨我騎蹇驢童
抱尊記得君家忘卻門徑穿竹入背江路傍是梁
朝敬宗墓月中對鶴吹洞簫露水瑇然落高樹

趙文敏公山水為董竹林山長題

公於画左題云至大三年六月望日為吳

蒼茫清曠氣
體特高

彦良画并詩有岸靜樹陰合溪晴雲氣流
之句想在鷗波亭作也彦良嘉禾人

何山弁山秀可掬。上若下若蒼苔綠。翰林學士偶
歸來。亭倚鷗波送飛鶴。鵠飛盡沒蒼茫境。衣上青
天倒搖影。鹿頭舫子湖州歌。想帶南風覺凄冷。冰
盤瓜李進仲姬。生綃画就復題詩。鄭虔三絕世無
有。於乎何幸再見至。大三年時。

葉顯 十二首

漁父曲

雨過暮雲收。江空涼月出。輕蓑獨釣翁。一曲秋風

笛。宿鷺忽驚飛。點破煙波碧。

辛丑歲軍亂後李元長賦詩傷感予次其韻

亂後依然舊城郭。青山不老秋雲薄。人民皆非可
奈何。歲月無情隨逝波。矩世功名何暇論。相逢存
沒驚相問。夜寒兒女泣牛衣。紫鳳天吳顛倒披。訪
舊驚心生百感。兩脚如麻春不暖。祇多幽滯哭酸
風。何人背面啼春紅。

示小兒阿真牡丹茶蘼春莫各一首 錄一

老紅新綠駐煙波。無奈青皇促駕何。又是一年春
事了。杜鵑聲裏夕陽多。

意 句中有兩層

次韻周安道憲史仲春兩窗書懷十首 錄一
破除愁悶無過酒。消遣情懷正要詩。燕子不來春
又半。一簾花雨海棠時。

送應空谷上人遊吳尋師二首僕於湖山泉

石有疇昔之好萊章故及之 錄一

落日南朝寺。吟筇幾度登。欲尋前日路。去訪昔年
僧。浙水生新浪。吳雲暗舊燈。阿師如到彼。為謝嶺
南能。

日暮江邨雜興

釣艇已收緝。無人深閉門。雲生沙上石。月出水南

邨。寂寞寒潮遠。微茫煙浪昏。孤舟中夜笛。感慨動
吟魂。

山莊即事

策杖步松關。銜杯看遠山。青鞵陪月去。翠袖裹雲
還。芳草斜陽外。落花流水間。山林多樂意。無夢到
塵寰。

江邨晚景

野水溪橋外。荒邨八九家。雨晴漁網曬。風定酒旗
斜。紅樹霜江葉。黃蘆月岸花。何當從此隱。重整釣
雲槎。

自然

一氣流轉

元詩選 卷五 二月江城見梅二首 錄一

桃杏紛紛正得時。疎梅高潔合知幾。如何萬卉嬌春日。猶有孤芳駐夕暉。未要板橋尋蠟屐。最宜沙路試羅衣。輕鞵小扇孤山下。絕勝逋仙踏雪歸。

次槎字韻述懷

形容枯似飽霜槎。身老空山處士家。一徑梅香雲滿地。半窗花影月籠紗。常穿謝氏登山屐。慣設孫郎餉客瓜。離亂固非疇昔比。池塘難得為官蛙。

至正戊戌九日感懷賦十律見意云 錄二

風急登高野客傷。悲茄聲裏過重陽。正須擊劍論

感慨跌宕

孤憤何暇携壺舉。一觴白骨不埋新戰恨。黃花空發舊枝香。寒煙冷日東籬下。西望柴桑路更長。悠悠江影雁南飛。黃菊飄香蝶滿枝。斜日西風彭澤酒。殊方異國杜陵詩。煙縹慘淡山林暮。霜葉蕭疎草木悲。醉後不思時節異。半欹烏帽任風吹。

華幼武 五首

義兵行

風蕭蕭雨淒淒。義兵起程行路迷。腰刀手槍耀光輝。青衫白帽行隊齊。問渠遠行將何之。官司召募征江西。妻兒父母夾道啼。我今與汝生別離。生別

沉痛少陵云
家鄉既盡
遠近理亦齊
亦此意也

離不得已在家出征同一死麥禾滿田穗將結皇
天陰雨無時歇去年秋旱號飢寒今年夏麥不得
餐幸逢此地無爭戰供給軍需民力乾生為浙西
農死為江南卒迴首語妻兒何處收吾骨率土為
王民安敢辭苦役但愧扶犁手疇能用矛戟願得
將相俱賢才掃除盜賊無纖埃義兵歸來舊田里
賣刀買牛復生理

風棚

百尺虛結構松風起四簷遂令秋滿屋何用畫垂
簾蔽日雲常在當窗雨不霑翛然無限意叢竹淨

彥清詩秀情
風致最佳

相兼

清坐

驅馳欣暫息清坐感餘春細雨偏宜草疎簾不隔
塵山禽時引子庭鶴晚隨人幾負林泉約空嗟頭
上巾

春日偶成

船頭細雨溼漁蓑船尾桃花漾碧波借問東君知
得否江南春色已無多

桃源圖

流水桃花世外春漁郎曾此得通津當年只記春

元詩選 卷五
猶在不道山河又屬人

丁鶴年 六首

逃禪室述懷十六韻

出處兩茫然。低徊每自憐。本無經國術。仍乏買山錢。故邑三千里。他鄉二十年。力微歸計杳。身遠客心懸。桃李誰家樹。禾麻傍舍田。鶉衣秋屢結。蝸室歲頻遷。逝水終難復。寒灰更不然。久要成齟齬。多病復沈綿。俛仰哀情倦。棲遲野性便。延徐誰下榻。訪戴獨迴船。耻灑窮途泣。閒修淨土緣。談玄分上下。味道悉中邊。有相皆虛妄。無才幸苟全。棲雲同

元詩中長古
掛律最多往
往有至百韻
者然皆率率
冗長少有完
璧此詩妥適
兼亦清婉

白鹿飲露效玄蟬。高蹈慚真隱。狂歌媿昔賢。惟餘空念在山寺。日逃禪。

兀兀

數莖白髮鏡中新。兀兀窮年媿此身。萬里雲霄雙倦翼。千尋江漢一窮鱗。望鄉薄暮憑西日。去國中宵禮北辰。客路漸遙身漸老。此生何以報君親。

題鳳浦方氏梧竹軒

鳳鳥曾聞此地過。至今梧竹滿邱阿。政懷翦葉書周史。却恨翻枝入楚歌。金井月明秋影薄。石壇風細晚涼多。中郎去後知音少。共負奇才奈老何。

詔壯而意悲

使事熨貼運
用清新結更
淡遠宜其擅
場

德年原本忠
孝詩亦沉痛
近體清新中
况相款尤工

逃禪室與蘇伊舉話舊有感

不學楊雄事草玄。且隨蘇晉暫逃禪。無錐可卓香
巖地有柱難擎祀。國天謾詫丹霞燒木佛。誰憐青
露泣銅仙。茫茫東海皆魚鼈。何處堪容魯仲連。

寄餘姚伯仁滑先生

獨木橋邊薜荔門。全家移住水雲邨。猿聲專夜丹
山靜。蜃氣橫秋碧海昏。詩卷自書新甲子。藥壺別
貯小乾坤。陶漁耕稼遺風在。差勝桃源長子孫。

題萬歲山玩月圖

金銀樓觀蔚嵯峨。琪樹風涼秋漸多。徙倚危闌倍

惆悵。月中猶見舊山河。

顧瑛十七首

天寶宮詞十二首

才蒸富贍篋
壘妍麗鐵崖
云真銷得錦
半臂也王
山風流文采
照映一時當
自倡和名士
雲集其尤著
著鐵崖雲林
相雨九成也
玉山詩在諸
公間亦不相
下官詞麗麗
最近鐵崖其

天寶雞坊寵賈昌。不教蝴蝶上釵梁。錦棚晝浴天
驕子。絳節朝看王大娘。王母也巧藥金闌開內苑。蒲葇
玉觥酌西涼。月支十萬資膳粉。獨有三姨素面妝。
五家第宅近天家。侍女都封繫臂紗。池上桃開銷
恨樹。閣中香進助情花。風迴輦道鸞鈴遠。日射龍
顏雉扇斜。韓虢並騎官廐馬。醉攬丞相踏堤沙。
蓮花池畔暑風涼。玉竹迴文寶篋光。貪倚画屏調

他清骨稜稜
復能別成一
格不純受鐵
崖範圍

翡翠誤開金鎖放鴛鴦。輕綃披霧誇新浴。墮髻歌
雲街晚妝。笑語女牛私語處。長生殿下月中央。
五色卿雲護帝城。春風無處不關情。小花靜院偷
吹笛。淡月閑房背合箏。鳳爪劈柑封鈿合。龍頭瀉
酒下瑤罌。後宮學做金錢會。香水蘭盆浴化生。
龍旂翠蓋擁鸞幢。步輦追隨幸曲江。鳥道正通天
上路。羊車直到竹間窗。桃花柳葉元無匹。燕子鶯
兒各有雙。中貴向人言近事。風流陳裏帝先降。
秘閣香殘日影移。燈分青玉刻蟠螭。琵琶鳳結紅
文木。絃索蠶繅綠水絲。金屋有花頻賭酒。玉枰無

鑲珠清新不
嫌麗縵

子不彈碁。傳宣趣發明駝使。南海今年進荔枝。
近臣諧諛似枚臯。侍宴承恩得錦袍。扇賜方空描
蛺蝶。局看雙陸賭櫻桃。翰林醉進清平調。光祿新
呈玉色醪。密奏君王好將息。昨朝馬上打圍勞。
虢國來朝不動塵。障泥一色繡麒麟。朱衣小隊高
呵道。粉筆新圖徧寫真。寶雀玉蟬簪翠髻。銀鷺金
鳳踏文茵。一從羯鼓催春後。不信司花別有神。
十三女子擘篋篋。選作梨園第一流。却道荷花真
解語。豈知萱草本忘憂。紅鸞不照深宮命。翠鳳常
看破鏡羞。舞得太平并萬歲。五年誰賜錦纏頭。

五王馬上打球歸。贏得官花獻貴妃。樂起閣門邊
奏少。禍因臺寺諫書稀。侍兒隨幸皆頒紫。骰子蒙
恩亦賜緋。姊妹相從習歌舞。何人能製柘黃衣。
新製霓裳按舞腰。笑他飛燕怕風飄。玉蠶倒臥蟠
條脫。金鳳斜飛上步搖。雲母屏開齊奏樂。沈香火
底並吹簫。只因野鹿銜花去。從此君王罷早朝。
宮衣窄窄小黃門。躑躅初開賜縹盆。夜月不窺鸚
鵡塚。春風每憶鳳凰園。愛收花露消心渴。怕解金
珂見爪痕。只有椒房老宮監。白頭一一話開元。

次韻觀帖之什

天然合拍

水如燕尾出湖分。合入長溪直到門。韋杜桑麻元
兩曲。朱陳雞犬却通邨。換羊賣馬囊中帖。剝瘿懸
匏竹裏尊。昨日煩君來閱賞。扁舟短纜繫籬根。

生公臺

生公聚白石。塵拂天花墜。可憐塵中人。不解點頭
意。

以吳東山水分題得陽山

別起高樓臨碧溪。繞樓青山雲約齊。陽山獨出眾
山上。却立陽湖西。復西天風吹山岼不起。倒落芙
蓉明鏡裏。影娥池上曲闌干。徧倚秋光三百里。白

元詩選 卷五
雲不化五彩虹。化為天矯之白龍。一朝挾子上天去。霈澤下土昭神功。土人結祠倚靈洞。兩氣腥翻海波動。紙錢窸窣蚺蜴飛。女巫擊鼓歌迎送。茲山本是秦餘杭。越兵晝獲夫差王。不知誰是公孫聖。空谷答聲吳乃亡。只今此地愁雲黑。鐵馬將軍金作勒。漢蛇曷識劔雌雄。秦鹿應迷路南北。山下花開一色紅。花下千頭鹿養茸。銜花日獻黃面老。挾羣時入青蓮宮。聞道青霜落林谷。斤斧丁丁驚鳥宿。千年白鶴忽飛歸。失却長松舊時綠。君今坐看樓上頭。析韻賦詩浮玉舟。憑高一覽青未了。底事

仲宣生遠愁。明朝更踏東山路。傀儡湖中觀競渡。酒花濼濼泛昌陽。醉歸扶上樓頭去。

雪霽與郊九成陳惟允坐劔池上惟允為寫圖因次九成韻

飲澗長虹挂深嶺。千尺轆轤斷修綆。夜寒月黑鬼賦詩。白日清風人寫影。藤蘿陰陰蔓山椒。長松落雪如花飄。煩君畫我掩書臥。窗前更著青芭蕉。

次周履道韻

夜泊石湖湖水傍。芙蓉霜白蒹葭蒼。畫船酒行飛急觴。美人羅袖隨風揚。長檠翠幙高高張。浩歌起

元詩選 卷五
坐秋夜涼明月已在天中央大星小星光燁煌酒
酣不記過船去但聽秋聲響疎雨夢中化作蝴蝶
飛飛入花間聽春語鄰雞喔喔東方曙船尾浪花
風起舞為君起和夢中詩水氣如煙度秋渚

白 珽 一首

清和

白芎漸相便。因知物候遷。空山一雨後。小檻綠陰
前。鶯在留春思。人幽減晝眠。此時風日好。元不似
梅天。

龔 璠 二首

不用雕琢漸
近自然

虞韶卿以謝疊山請謚文祠北上

萬疊山中足舊聞。只今誰使意勤勤。周人頗義伯
夷事。晉代。行收。諸葛文。九死本無榮謚願。一香終
為老師焚。黃金臺上逢知己。袖有江東日暮雲。

郭祥卿同游虎邱

弱植有緩步。同游無雜賓。清陰山寺古。紅樹石楠
春。邱隴埋吳國。園林問晉人。不應繫舟處。猶是去
年津。

張弘範 四首

讀韓信傳

高卓

妙於措辭

快語堪為淮
陰洗冤

一怒燕齊楚趙收。將軍今古果誰儔。後來肯為陳
稀計。先日何辭蒯徹謀。自是多能慙噲等。何能輕
舉學留侯。可憐一片肝腸鐵。却使終遺萬古羞。

讀李廣傳

張矢威盈塞北屯。漢家飛將氣如神。但教千古英
名在。不得封侯也快人。

新燕

海棠開後月黃昏。王謝樓臺寂寂春。柳外東風花
外雨。香泥高壘画堂新。

過江

此首頗不類
英雄語

後之耶快之
即血戰以成
功名者當讀
此詩

磨劍劒石石鼎裂。飲馬長江江水竭。我軍百萬戰
袍紅。盡是江南兒女血。

楊奐一首

試萬寧宮

月澹長楊曉色清。天題飛下寂無聲。南山霧豹文
章在。北海雲鵬羽翼成。玉檻玲瓏紅露重。金爐縹
緲翠煙輕。誰言夜半曾前席。白日君王問賈生。

楊果三首

邨居二首

草堂有燕賀新成。沙渚無鷗續舊盟。滿徑落紅風

翻用好

埽靜一渠春碧雨添平。
春波澹澹卷寒漪。長日蕭蕭靜竹扉。邨舍蚕催桑
葉大。山田鹿食麥苗稀。

峴山秋晚圖

江水江花遶大堤。太平歌舞習家池。而今風景那
堪畫。落日空城鳥雀悲。

徐世隆一首


挽文丞相

大元不殺文丞相。君義臣忠兩得之。義似漢皇封
齒日。忠於蜀將斫顏時。乾坤日月華夷見。海嶺風

不事雕飾而
有筆力議論
宜為世所傳
痛亦近粗

家

霜。草木知。只恐史官編不盡。老夫和淚寫新詩。



元許選卷五終



